

26/10/1999

PM perjelas isu semasa

TUJUAN utama perjumpaan Perdana Menteri, Datuk Seri Dr Mahathir Mohamad, dengan rakyat adalah untuk menerangkan mengenai keadaan semasa ekonomi negara, kata Timbalan Menteri di Jabatan Perdana Menteri, Datuk Ibrahim Ali.

Beliau yang menjawab soalan Radin Malleh (PBS-Tenom) berkata, perjumpaan itu juga bagi menjelaskan mengenai manipulasi yang dibuat oleh penyangak mata wang, spekulator pasaran saham serta langkah-langkah yang diambil oleh kerajaan dalam memulihkan ekonomi negara yang terbukti berjaya.

"Selain daripada itu, penjelasan juga dibuat untuk menerangkan mengenai keadaan politik semasa dan rancangan pembangunan yang sedang dilaksanakan kerajaan, serta betapa pentingnya dikekalkan perpaduan di Malaysia," katanya dalam jawapan bertulis.

(END)